

KUIPERI, HENRIQUEZ Y BAREÑO DIPUTADO

ORANJESTAD(AAN)—Durante fin di siman a sigui cu e intento nan pa yega na reformacion di e Colegio di Diputadonan. Manera DIARIO ya a anuncia, tabata busca forman pa introduci den e colegio nobo di Diputadonan, personanan cu no ta politicamente activo, y cu mester a keda nombra como "Vakgedeputeerde".

Diasabramerdia e formacion a continua y tabata den horanan di anochi cu a keda dicidi cu como candidato pa Diputado lo keda presenta na Consejo Insular di Aruba e tres Diputadonan cu lo regresa Nel Oduber, John van der Kuyp y Frank Croes, mientras di e fraccion di MEP den Parlamento Insular lo bira Diputado Grace Bareño.

E dos personanan fuera di ambiente politico cu lo bay forma parti di e Colegio di Diputadonan ta Michi Henriquez y Michael Kuiperi.

Esey ta significa cu Daniel Leo, Marco Bislip y Efraim de Kort lo no forma parti di e constelacion nobo di Bestuurscollege.

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION



DIARIO

DI ARUBA

Bo Matutino
Netamente Arubiano

DIALUNA 21 DI JANUARI 1985
AÑA 4, No. 1234

Pa discuti entrega di combustible pa WEB

DELEGACION DI ARUBA A BAY VENEZUELA

PELEA FORMAL NA SAN NICOLAS

ORANJESTAD(AAN)—Ayeratardi pa 6 or, Central di Polis a dirigi patruya di tanto Playa como Santa Cruz pa San Nicolas, caminda nan mester a duna asistencia na e patruya di San Nicolas, relaciona cu un pelea formal cu a tuma lugar aparentemente dilanti di Cunucu Rumshop na San Nicolas.

E promer asistencia a ser solicita pa un pelea na cas di un familia. Central di polis a dirigi un patruya pa e direccion concerni caminda lo tabata tin un pelea familiar.

A surgi un tenemento ora esnan presente a lanta contra polis y esaki pues a resulta den un pelea entre e bringadornan y polis. Di biaha a pidi refuerzo di Playa y Santa Cruz.

Un polis bijstand a haya un martio den su direccion cu por a alcanza su cabez y el a keda cu un razga na su wowo. El a ser transporta pa centro medico caminda Dr. Chung a atende y despues e mester a ser transporta pa hospital, caminda el a keda interna pa trato medico comoquiera cu e sla tabata fuerte y hundo.

Mientrastanto alto funcionarianan a ser poni na altura y a presenta na San Nicolas pa asina pone nan mes personalmente na altura di un que otro.

Un muher y un hombre a keda aresta mientras cu e martio a keda confisca. Gerente di Cunucu Rumshop a ser pidi pa cera su negoshi comoquiera cu tabata tin basta movicion na e sitio.

E caso ta den investigacion profundo.



Ayera nochi SAC a continua cu su actividadnan di carnaval, cu un contest di baile di Waltz. E pareha Erwin Croes y Mena Frans, a gana e competencia di waltz ariba tononan di e banda La Nueva Fuerza, mientras Marcel Maduro y Jacintha Tromp, a bira e maximo ganadornan di bailamento di waltz ariba caha di orgel di Patan Faro.



Drentando Bernhardstraat, esaki tabata e grupo dilanti den e careda di ayera mainta cu Leo Berenos di Curacao dilanti, sigui di cerca pa Philip Hoek, hunto cu peloton cu ainda tabata hopi cera durante e prome 3 kilometernan di e careda.